

四庫全書

集部

欽定四庫全書

祠部集卷九

宋 強至 撰

七言律詩

依韻和判府司徒侍中雪霽登休逸臺

環臺雪後從公登
四顧乾坤表裏明
粉水半消池日薄
玉枝相戛竹風清
園林洒落人間世
樽酒逍遙物外情
寫景不須搜畫筆
詩參化匠自天成

依韻奉和判府司徒侍中壕林

星榆落種還生地營柳移根總傍壕
夸父林稠宜較盛

太師垣峻敢爭高歲科充蠹疲民產

公詩苗句有鹿角科民歲甚勞之句

城守勝提壯士旄長與萬家添外圍
鄰人心結此思牢

留守司徒侍中寵示上巳屬疾鈞什謹依韻奉和

上巳曾陪宴後池風光一匝又花時
當年簪履誰猶在

今日門牆獨未離步怯園林雖晚到
恩深草木已先知

都人不省憂民病只訝行春繡旆遲

和登金銅門

高門締構自何年，朱拱金鋪麗目前。
樓上台光臨暇日，座間涼氣失炎天。
草涵宿雨濃如染，林曝晴曦燥欲然。
早晚定歸黃閣去，剩移夏榻就風眠。

某伏覩判府司徒侍中置酒宴客即時雪作謹成
七言律詩一首上獻

相君東閣冒寒開，朔雪貪隨樂事來。
臘信未通先漏洩，台光欲近却遲回。
勢輕漫擬凌歌袖，片小纔能綴酒盃。

寂寞相如孤客在定應投簡屬鄒枚

某不度輕僭始以鄙句塵獻判府安撫司徒侍中
特屈威尊過賜寵和伏讀榮荷謹成律詩一首代

啓上謝

司馬當年侍兔園只攄祕思奉清樽豈如下客吟飛雪
繼屈三公賜雅言句揣物形雖有迹筆鏡天巧獨無痕
豈惟一府誇榮玩猶得他時耀子孫

依韻奉和判府司徒侍中望宸閣雪後

雪中氣象但漫漫雪後乾坤淨好看零落瑤林晴照裏
參差銀闕暮雲端疑開粉墨圖新就猶洒樓臺筆未乾
萬井都人蒙煦育恩深不覺夜來寒

再和

公到層軒雪已殘蕭林素節曉相看山融愛日酥千點
地接頑雲縞萬端曾有金樽開兔苑况無鐵甲戍桑乾
清風落紙成佳句負世渾疑在廣寒

春日送王明遠

馬蹄乘興急離秦輕雪初消塞外塵談笑暫來趨幕府
文章猶記從車茵雍雍妙畫平邊徼袞袞清言服座人
詩句不須論別意臨岐探破故都春

依韻奉和司徒侍中春陰席上

未消殘雪在牆陰晝景昏昏似日沉土凍轉愁花信遠
天寒唯仗酒分深笑談四座相歡色富貴三朝不動心
詩句一傳人競寫也應潛購到雞林

別王彥祖宮贊

別襟魯判宋王臺魏北相逢一笑開帥府紅蓮魯入幕
公堂黃菊偶啣杯未應許國全無策祇恐趨時自有才
且置功名歸度外詩筒頻附塞鴻來

奉和龍興燈夕

結綵仙山對淨坊曳珠賓履捧台光燈搖夜月天形動
歌聒春風物態狂刻燭詩成傳魏國吐茵酒釀醉程鄉

今年始徹清宵禁倍覺都人樂意長

河朔上元
久不放夜

依韻奉和司徒侍中上元遇雨即席

金絡香鞞匝來門闌徹禁夜無猜正憐舞曲隨風轉
驟覺燈花冒雨開屏翳呼雲何倏忽嫦娥收月漫徘徊
相君未放春宵醉倒盡宜城第幾壘

依韻奉和司徒侍中春雪

草木空催造化忙六花先出壓羣芳酒寒玉笋消春味
烟濕金爐減畫香地暖落霏堆旋失風和亂片舞初長
相公更好調元去已兆豐年在此鄉

送河北轉運燕刑部被命充三司副使

億萬供須仰縣官大農選造徧朝端外臺心計推公最
中詔恩除副帝難文石近班趨玉筍紫絲新帕覆銀鞍
行攄仁義裁經費天下征繇不日寬

晝眠

酣酣枕上息吾形日過南窓第幾樞所得高眠容幕府
為無深責繫朝廷苦遭浮蟻催來熟忽被幽禽喚得醒
却整葛巾尋晚酌竹間呼客盡吾甌

留守安撫司徒侍中生辰

七月穹旻大火流元精信宿降伊周公師一品儀型重
將相三朝德業優桑梓鄉邦兼鎮撫苴茅封國正居留
人間盛事仍難老富貴功名未白頭

宰衡倚賴更三聖神器傳歸定兩朝幾御銅符雙在手
尊榮金印六垂腰流民相率歸仁政疲俗新蒙罷橫徭
壽考轉隨陰德遠開倉累萬活黎苗

凜凜威名遠邇知去年談笑屈西陲平時旌節臨全魏
計日朝廷起一夔狎賜綵衣今禮數待還繡袞舊麻詞

佇看來歲稱公壽
荀令依前在鳳池

走筆謝司徒侍中惠柑

十年空憶滿林香
今日堆盤得恣嘗
摘處嫩苞金隱粟
剖來清液露盈囊
自堪珍玩誇羣目
可惜餘甘落俗腸
拜賜愈知公意重
不同設醴望元王

安正堂

居守園林氣象間
堂成壯觀入躋攀
三朝力輔乾坤倦
一國身偷歲月閒
傾座語驚邪說破
勒碑詩召正風還

陰夷出處皆公跡不動公心似泰山

飛飛燕雀倦簷牙繡栱雲楣鬪彩霞樽俎燕閒歸相閣
鼎鍾勲業在王家直紋惜破牆陰竹巧笑嫌開席外花
今日正風傳魏國平居詩思亦無邪

酬楊立之進士見贈

詞塲綠髮競才雄幕府朱衫覺道窮孤憤掃除詩句裏
壯圖流落酒盃中宦游已倦年將暮人事隨生日又東

珠玉滿篇勞寵贈建溪風格襲文公

立之實翰林
文公族弟

依韻和酬王明遠見寄

一日論交坐席間肯平壯氣就衰顏
篇章漫欲窺滄海道誼從來仰泰山
白日聲名君籍籍青雲意緒我斑斑
元戎幕府那能久太學諸生已望還

送河北提刑王詹叔郎中被詔充開封府判官

人物神州雜五方平明京兆坐黃堂
民投牒訟千狙詐吏抱文書百鴈行
幕府要人關聽斷朝廷自昔選才良
朔陲使者聲名久隨詔南轅佐趙張

次韻通判都官和諸公雪中席上之作

龍沙千里絕纖埃，銀色渾疑王母臺。
宴席此時驚酒薄，曉枝無處認梅開。
騁辭梁苑客方至，乘興越谿人自來。
從古六花長一色，化工應不費培栽。

和判府司徒侍中喜雪

朔雪飛花趁歲陰，喜看不覺酒杯深。
應時自合蒼生望，澤物真同上相心。
未怕春風融粉水，恍疑江國見梅林。
西山一夜千層白，那復能留寸碧岑。

送王敏夫判官赴舉京師

韓魏公塔

却公門下識羲之風骨無塵聳秀姿壯氣海鯤翻碧浪
逸才天馬脫金羈旋憑辭律趨明試首聽文衡中有司
太學舊游應刮目青衫事業盛當時

伏覩留守安撫司徒侍中鎮魏三日遂獲甘雨吟
成律詩一章上薦

相袞前年撫雍民下車飛雪滿咸秦

陝右屢年不雪公
賦事長安之日時

雪大風行魏國纔三日雨作商巖恰半春

二月十日
五日雨

忠節

此生存社稷誠心是處感天人二方豈合偏蒙潤四海
思歸舊化鈞

即席依韻奉和司徒侍中上巳會許公亭二首

禊事初脩樂未涯晴陽濃淡薄雲遮風光轉入庭前柳
春色隨來席上花千載風流追曲水萬人游豫揜長沙

杜工部有蓋處繁華祿是
曰長沙千人萬人出之句相公今日携諸吏那比山公

醉習家

三春樂事揖蘭亭駐旆名園敞繡扃酒盞綠深須露白

花梢紅少已多青
賓裾特盛人間會
公袞能忘物外形
化筆暫歸詩句裏
清風一誦醉還醒

上已飲許公亭通判錢郎中以詩獻因依韻和呈
丞相開筵御水頭
席間別乘擅詩流
特誇元已從公飲
不比常年結客遊
淡色雲陰籠日薄
暖香花氣傍人浮
篇章唱絕雖容和
酒盞恩深豈敢酬

和推官壓沙寺惠詩

上相行春樂有餘
繡旗朝共宿雲舒
特教紅袖停妍唱

為許朱衫託後車肯說大烹專鼎食旋容小摘薦園蔬
多才幕府論榮遇詩句飄飄動客裾

走筆依韻和楊進士個登南樓之作

當年割據屬英雄樓觀誠奢物產窮藩鎮一歸平削後
關河盡入照臨中離宮此日號大壯織杼無人歌小東
全魏萬家今樂業衮衣惟恐近周公

瓦亭偶書

城中塵土眯人眼隄上風煙醒客心沙擁河聲時斷續

雲含野色屢晴陰
平蕪點白鷺雙起
細柳弄青蟬一吟
魏北古來車馬地
此亭偶爾得幽尋

送謝先生歸紫霄峯

不同賣藥入都市
又異執帚見相君
冠蓋臨門求上劑
公台解榻叩多聞
應思夜鶴侶
蕙帳却笑伯鸞家
布裙藜杖還尋紫霄頂
無心出處似山雲

送傅宣李子範供奉歸闕

曾共征西幕府來
相逢今日魏王臺
喜情重把論交袂

感淚頻添話舊杯此別情懷無限惡他時談笑尚容陪
馬蹄歸趁春風急應有花先禁苑開

依韻奉和司徒侍中西園初暑之什

夏木參雲百尺長晝陰籠日一軒涼雜追楚榭迎風袂
冷笑淄川作雨滂歌扇參差立燕趙客裾容曳赴原嘗
坐來詩句清人骨勝挹冰壺飲玉漿

聞參政王侍郎令子著作登第復除崇文校書

宮壺移刻對延英文帝從容問賈生儒館旋承恩詔入

士林尤說御批榮丹山鳳出寧無種滄海鵬搏遂有程
漸待青氈歸舊物區區義獻漫家聲

依韻奉和司徒侍中苦熱未雨

乾坤五月氣炎歎丞相憂農心更焦思脫塵埃遺暑濕
擬排寥廓御風颺穴中戰蟻空知驗雲外晴虹尚肆袂
下土顛顛望霖雨好回天意慰黎苗

韓魏公生日

上公拜表請休官中使傳宣未聽聞雍府遙兼新節鎮

鄴城重領舊山川左弧共記生賢始右席誰居獻壽間
陰施在人天報遠蟠桃三熟鬢毛斑

依韻和趙晦夫書記將替寫懷

芙蓉幕裏住三年鸚鵡才高動四筵風月漫勞吟杜曲
文章自好紀燕然朋簪會合愁分手官簿縱橫待息肩
直道先難終易偶近聞知己薦書全

代上余大宰生辰

瑞挺真儒翊聖時為山秀氣育丰規慶符昌運千齡會

前應中秋十日期天上光連奎昴宿人間身占鳳凰池
粉榆暫領旬宣寄榮誕衣冠祝壽眉

送公度赴詔歸闕

兩京三仕並交遊有道從來慕太丘白日聲名隨詔召
青雲家世踵颺流數程去路朱蹄駿一曲離筵翠黛愁
材力如君當拔擢敢辭幕府獨淹留

依韻奉和司徒侍中唐成秋分

金氣纔分向此朝天清林葉擬辭條三秋半去吟蛩逼

百感中來醞蟻消候早初逢旬甫泮月圓前距望非遙

十日
秋分

如今晝夜均長短占錄無勞史姓誰

晉天文志云
蘇邕魏州各

有撰
錄

奉和司徒侍中中秋遇雨韻

要盡賓歡醉繡筵準憑良月作黃緣孤光已蔽浮雲外
衆目猶傾小雨前聲入鬢毛同颯颯潤生林葉自娟娟
宴杯纔撤寒蟾露疎影參差魄正圓

依韻奉和司徒侍中中秋筵散雨餘微見月色

待月開筵細雨侵月來賓去意空深未容午夜瞻金壁
先隔微雲漏碎金萬戶漸宜歸一望重樓恨不起千尋
應須潤澤周封內始放清輝出暝陰

依韻奉和司徒侍中重九會安正堂

茱萸綴席落新堂丞相詩鋒不可當九日繡筵吟節物
十年黃閣運陰陽酒邊和氣忘公袞風外清歌出女牆
賓去每來安正坐泰然德宇發天光

萸杯引滿宴公堂病客偏容泛淺觴為愛菊花驚晚節

不羞蓬鬢插秋香，衆賓談笑誰傾座上相。
風騷獨擅場來歲鳳池吟此日，夔龍高會耀辭銜。

和重九晚登騎山樓

登臨樓觀一重重，下客追隨豈易逢。
九日燕私同愜樂，三台禮數極優容。
自酬佳節揮鴻筆，誰詫元勲載景鐘。
只恐斜陽催勝事，時時回首望西峯。

依韻和崔伯憲謝王正甫遺三靈丸蜀茶

一九道士曾投藥，七椀先生亦愛茶。

事見玉川先生詩

服久有

時輕俗骨味新應早摘靈芽病軀自健遺藤杖睡眠全
醒耐燭花可是兼饒詩力壯芙蓉幕裏句堪嘉

依韻和伯憲九日感懷

隔霧南山愁漠漠破烟東日淡暉暉風欺白髮勤吹帽
酒妬黃花故點衣九日淚兼踈葉落幾時身逐短篷歸
青雲欲早秋先晚更惜登高樂事違

依韻奉和司徒侍中壓沙寺梨

誰將冰蜜共囊封結實祇園顆顆同蔽蒂舍傍思召伯

周流林下賦揚雄

長楊賦云周流梨栗之林

花經春月千層白頰傅

秋霜一抹紅江橘空甘得奴號果中清品合稱公

讀尹師魯集

章句橫行古道堙先生筆力障顏津高文簡得春秋法
大體嚴如劍佩臣冰鐵剛顏低獄吏雲風壯略竦邊人
謫官竟死空名在一讀遺編淚滿巾

依韻奉和司徒侍中辛亥二月十五日

去去春光鳥翼過雲陰風惡更相和屢採花信猶全闕

擬借鶯聲肯暫那
鈴吏事來須緩報
相公賓退正閑哦
九旬已是中分了
詩酒尤宜併一科

和司徒侍中清明會壓沙寺詩

野寺尋芳二月殘
弄晴幽鳥自闌闌
堤沙壓雨迎金勒
旆繡翻風蔽玉顏
官妓隨車翠幄飲張花
雪底綵舟歸漾水
天間五年貪戀行
春樂不覺移文笑
北山

依韻奉和司徒侍中同賞梨花

千株綴雪紺園中
數頃花開幾度逢
體瑩直憂春欲妬

色孤猶喜月相容香浮翠蓋台光近
瓣落清樽飲興濃
公恰徘徊吟妙句不須忙打寺樓鐘

送大名府簽幕吳都官幾復移倅安肅

相公樽俎納豪英使者封章薦姓名
落日送愁離幕府
翔雲隨眼入邊城萬蹄宛馬休南牧
一嘯燕姬慰北征
敵頸憤來還請繫雒陽前後有書生

送朱傳道推官赴刑部詳覆

文章自老齒獨壯富貴偶遲名最先
冷落官曹按丹筆

風流幕府別紅蓮高談傾座迥無敵清骨照人長欲仙
好在胷中書萬卷校讎四庫續登賢

依韻奉和司徒侍中辛亥上巳會許公亭

許開壯觀舊平津今日還延相閣賓茅社一臨封國地
花亭三見禊杯春隨車和氣蒙魚鳥即席高吟動鬼神
西北連年參幕府東風長忝從遊人

依韻奉和司徒侍中同賞牡丹

按譜新求洛下栽朱欄圍土事深培半粧曉日爭先照

一笑春風喜競開
得地自依孫
相閣飛香欲繞鄴王臺
繡簾對賞猶嫌遠
翦上金盤近酒杯

依韻奉和留守尚書會六同年感舊詩

鼎科第一策名人
金榜誰能躡後塵
三紀鵬圖猶綠髮
累朝龍首最青春
同懷談笑宜開口
間代文章各致身

古詩有惜無同懷
客共登青雲梯句

醉倒不知歌舞罷
杏園舊態恰如新

好傳此會說時人
歌揭青雲動暗塵
霄漢得仙同白日
風騷寡和敵陽春
笑談未減題名地
富貴相高報主身

誰向衣冠增盛事龍頭結客事尤新

依韻奉和司徒侍中辛亥三月十八日遊御河

玉勒牙旌駐水湄萬人齊看柁開時此朝河伯想增氣
去歲國公還賦詩岸蝶偶然穿翠箔沙禽曾不避紅旗
旬餘即報行春足可厭歸軒暮雨隨

此日河生舊俗傳相公同衆樂沙塢迎舟戲羽來低岸
罽席游絲落半天佳句獨高珠履上貴名都忘玉樽前
明年盛會知難再行看還朝百辟先

游河遇雨

翠幄初防日影侵，春雲送雨信無心。
莫愁客散妨車馬，且喜農安得砭針。
侍妓點衣重結束，游人霑蓋尚追尋。
臨歸未盡杯中興，却放船頭醉裏吟。

依韻奉和司徒侍中喜雨應禱

合書時雨奏銀臺，潤澤從今徧九垓。
應禱豈惟三日後，為霖曾是十年來。
已逃虐魅知何地，自起乖龍不待雷。
無數公堂森賀笏，盡同秋種荷陶坯。

依韻奉和司徒侍中辛亥七夕末伏

七夕三庚共此辰風迎西火轉南薰金盤瓜果隨時俗
玉盞笙歌勸相君月下巧心空自競天邊私語復誰聞
早歸肯效東方朔待看星橋夜度雲

依韻奉和司徒侍中元城埽行河

一鼓千夫下捷聲缺堤漏穴幾時平盤渦倒吸湍流住
巨浸疑浮厚地行舉鍾每年勞衆力治河無策貢愚誠
賴公自有安邦德何處風波敢更生

行河道中

風起秋河吹旆旌
林梢初日露微明
壤歌接野知堯力
水害橫堤想禹平
無數焚香迎使節
不妨傍轡問農耕
江湖未敢生歸興
為戀車茵每侍行

即席再賦

樂事遙追戲馬臺
高吟節物縱天才
三朝致主誠心竭
九日携賓笑口開
白酒似隨秋露滴
清歌疑喚曉雲迴
放懷不有公台貴
慣得萸枝首賜來

--	--	--	--	--	--	--	--	--	--

2011

10

10

10

欽定四庫全書

木音引
卷九

祠部集卷九

欽定四庫全書

集部

詞部集卷十五

詳校官庶吉士臣朱理

檢討臣何思鈞覆勘

總校官編修 臣朱 鈞

校對官贊善 臣陳昌齊

謄錄監生 臣梁天重

欽定四庫全書

桐部集卷十

宋 強至 撰

七言律詩

依韻奉和司徒侍中視河愜山

聞昔茲山運土成喜情此屋與連營可憐事出三王後
不得親逢伯禹名隣國一朝罹暴水相君先慮護嚴城
他時人說公來日應記初更月旦評

依韻奉和司徒侍中冬節筵間喜雪

初長日景午陰前瑞雪迎開上相筵
點綴酒盃飛細細
侵凌歌扇落絲絲
歲功豫作三登地
雲氣都成一色天
驚破醉魂詩句險
不容吏部甕根眠

和司徒侍中喜雪

熙寧玉燭最調和
瑞雪先時破札瘥
大紀有年仍歲後
尺盈平地此冬多
戲珪旋翦飄疎葉
祭璧初沈委大河
再燮陰陽人望久
一方順氣入塗歌

依韻奉和司徒侍中元宵席上

席上香風轉綺羅
北門東道漢蕭何
燈搖萬井年光嫩
月覆千閭夜色多
樓閣影重占物阜
管弦聲洽驗民和
相公不惜陽春曲
傳與都人每歲歌

寄齊州曾子固學士

歷山名重舜耕餘
太守文章世罕如
但見清風變齊魯
未聞紫詔起嚴徐
最宜眎草歸時訓
可惜揮毫落簿書
千騎行春且乘興
里無勝母莫回車

依韻奉和司徒侍中壬子上巳會許公亭

賡吟令節最多年
禊飲春亭五侍筵

初戊申上巳長安燕亭後軒侍飲和

詩明年隨府來魏是日奉和釣唱有當年簪履誰猶在今日門牆獨未離之句

愛客公心寬似

水催人物態急如絃
園林爛熳驚三月
樽俎徘徊戀二天
跡近風花飄未定
且隨珠履醉金船

和司徒侍中壬子寒食會壓沙寺詩

四照梨花一色中
他時珍賞有雌雄

魏人能辨梨實雌雄

高牙就

景能芳宴皓齒停歌
誦正風樂極光陰窮日
御詩成造

化奪春工佳辰不禁祇園火林杏蕪然萬點紅

金星隱地爍遊車那用行隄更築沙官妓趁時簪玉蕊
藝工隨分賜銀花每乘此節尋蕭寺全勝當年醉習家
歸漾綵舟懽意在還延賓從盡流霞

會歷沙寺觀梨花

小隊逶迤駐寶坊祇園花發認崑岡日高恐釋三春雪
風細猶傳數里香垢染了無依佛界品流逾重被台光
更蒙佳句形珍賞漫說寒梅競効妝

和同賞梨花

紺園幾頃白雲英似覺漫天玉氣騰
句引春風香陣陣
侵凌夜月粉層層
時間冷艷尤難識
世上妖葩各有朋
每歲旋來張翠帳
芳庭同賞憶吳僧

奉陪韓魏公燕王氏園亭席上賦詩留題

脫去塵官一屐輕
十年世網羨冥冥
幽花笑晚新詩就
好鳥啼春宿酒醒
辭客醉題紅粉壁
黃丞題犀客名氏放屋壁相君

高宴綠陰亭

是日飲雙栢亭

鄴人應怪三台畔
今夜光聯處士

星

滏陽賓客擺塵羈一笑名園萬事遺
細草幽花多自種閒雲靜月最相宜
鄉人乘暇就攜酒野客尋春來賦詩
白髮朱衫猶民府南歸已覺十年遲

依韻奉和司徒中壬子三月十八日遊御河

當時御水始通津
遂作河生記此辰
載籍不聞傳故老
盛游相繼到今人
金貂為政居從俗
畫鷁連年出慰民
錦繡匝隄簫鼓沸
風光流動一城春

綵舟徐動信春風丞相行春樂意融
花底馬蹄追暮鳥柳梢旗尾掛晴虹
驅馳造化三篇裏擺落尊榮一笑中
何況佳辰偏宴客酒樽東閣不曾空

送王仲賢郎中游天平山

近來好事數中郎笑指秋山學楚狂

散人宋喬實從此行

絕頂去

天應咫尺回頭平楚祇毫芒步侵猿鳥雙藜杖吟蓄雲
煙一錦囊日並塵遊疎逸駕自憐丘壑意空長

依韻奉和司徒侍中安正堂觀牡丹

獨王花天晚自開羣芳臣妾漫爭媒金刀幾度裁雲葉

玉席多情向斗魁

晉忠魁第一星
西三星曰三公

檀口似迎暎日笑香

心肯逐疾風頰

嵇康絕交書云
榮進之心曰頰

相君造化春工手寫入

新詩意更瑰

瑰意
琦行

壬子六月庚申夜陪魏公詣龍壇

上公小隊俯郊闕讀祝焚香拜夜壇
早魁此時尤肆虐
應龍何處輒圖安
呪辭如律噴孤劔
剗血須明驗一盤
盛夏連年陪席位
自慚不是牧民官

晚晴

雲暗青天一鼓雷
旱蝗那得輒為災
易盈畎澮流先溢
不盡闕河色漸開
豐兆已從膏澤見
喜情還逐夕陽來
平明官屬趨丞相
樂合公堂送賀杯

依韻奉和司徒侍中壬子中秋對月

莫畏流光催白頭
且欣圓魄半清秋
當時初作今宵會
每歲還同故事修
飛蓋漫游虧燕喜
胡牀獨坐減風流
何如錦席笙歌擁
醉看銀盤射玉樓

病中漫呈師朴學士

初春抱病涉新秋，叩徧醫門廢歷酬。
小子幸災因語怪

乃有唱言子居於室中而知外事常有人從頂上出入者老夫委命獨忘憂，情知仕

路多猜險，賴有君家共戚休。

自子臥病，魏公賜書恤問再三。

藥裏關心

詩興在未應，風月廢吟搜。

依韻奉和司徒侍中八月十九日賞菊

秋風生意衆憐遲，一旦先開豈足悲。
無髻競分濃藥插，有襟聊對細香披。
閨催雖隔重陽月，節去猶勝十日時。

不比無名閒草木早蒙造化祇堪嗤

依韻奉和司徒侍中壬子九日

虛堂飛閣席頻移

早宴安正堂
晚集跨山樓

肯對茱萸憶賜枝

杜子美有

茱萸賜朝士鞋
得一枝來句

詩集元精尤唱絕歌翻新曲更相宜

太常

沈丞以新
詞侑飲席

登臨晚日曾誰怨醉倒秋風不自知一種孤

根輸老菊明年猶得傍東籬

酬鄭叔巖虞曹惠詩因以奉送

五年西北事軍書心共青雲頗負初老大濫隨丞相後

歲寒未覺故人疎
論情詩句空稠
疊轉眼花枝欲破
除相見不能同
酒盞春風添恨入
離裾

仲春感懷

春色愁邊已不濃
眼開天地久陰中
亂紅雜下殘花雨
暗綠兼飛弱柳風
生計荒蕪有酒盞
交期零落減詩筒
多情惟有堂前燕
來往負家與舊同

上高明府孫世則寄書及詩依韻和酬

客顏憔悴過三閭
猶喜良朋記拙疎
忽隔重江論舊契

更言終日困新書

來書有新法推行
應答不暇之說

宦情共減中年後

樂事難同二月初

正月晦日獲詩與書
奉答之日乃二月旦

好在江山一樽

酒他時懷抱為君舒

某數年前蒙集仙盛公慰薦今方用是改官近以

啟事論謝伏辱長牋垂荅因成短篇少抒感臆

淮邊曾以此身歸每見嘗寬使者威一昨薦章蒙首上
十年墜翼恰重飛功名未果時看劔報効猶乖夜攬衣
聊向短牋論感慨更煩尊教寵寒微

次韻陽朔丘尉述懷

登科君已十年餘，斗粟猶肩縣尹卑。
閑已漫形韓子賦，添丁賴有玉川兒。
海邊毒瘴濃如霧，嶺外征塗亂若絲。
三歲歸來無薦者，金門猶喜從臣知。

次韻丘秘校程苦熱

羲和驅日晝如燔，萬里焦原草木乾。
旱雨驟晴還作熱，炎風寡勢豈成寒。
渴思沉澀朝餐美，坐想凌兢迹到難。
汗浹肌膚空秉筴，浪將霜雪擬輕紈。

依韻和道濟私丞集英殿秋宴作

都場百戲已先呈舞字逡巡列太平酒緩天顏應有喜
樂高禁漏不聞聲晴暉忽傍金莖動協氣偏從玉座橫
何事君臣皆共樂銀臺連日奏秋成

何大宰生日

却數中秋已過旬老君親送玉麒麟力侔二氣文詞重
迴繼諸公德業醇論道他年要黃髮看公當世幹洪鈞
泰山如礪河如帶到此猶為劍履臣

河嶽靈神擁瑞來，劔川一夜起雲雷。
祥風破臘吹灰琯，和氣先春報砌槐。
龍郎久膺心膂託，金甌終為姓名開。
年年已與梅花約，長借清香入壽杯。

哭曾四丈供備

前浙東都巡檢

平生獨慕霍嫖姚，弱冠功名喜自邀。
報國劔鋌沉氣象，絕人尺藝委風飈。
總戎江海空流轉，分閩河竟寂寥。
幾百熊羆懷舊愛，哭聲應過甬東橋。

贈黃任道

辭源浩蕩翰滄海筆勢飄飄薄紫霞公府薦才猶未試
士林淪滯不須嗟相逢轉更開懷抱一跌何嘗掛齒牙
文帝欲興三代治可容賈誼在長沙

依韻奉和省判程郎中省宿

北望宮牆樹萬年九霄雲退湛秋泉坐間星斗懸吟次
夢裡江湖在目前月緩粉闌添皓色更長紅燭滅青煙
中郎心計元無敵更向風騷擅將權

雪霽出郊

京塵滾滾日眯眼心豁郊原初雪晴幽禽忽傍粉樹語
瘦馬時踏瓊田行高吟浩蕩真吾事薄宦飄飄愧此生
却羨老農相顧喜土膏乘潤說春耕

元夕觀駕御端門詩

仙韶樓底弄春和簾額隨風捲繡波午夜九霄開寶扇
一聲萬壽徹明河燈纏月影祥光動酒入天顏喜氣多
侍從有班無籍去花邊空聽太平歌

次韻都曹燈夕之作

夜色澄明宇宙寬
新正纔半覺春慳
行歌遡月疑塵外
醉眼隨車憶夢間
燭影更和人散亂
漏聲不放馬舒閒
啼鳥看報嚴城曉
滿引金船倒玉山

仲春攝太僕卿祭馬祖宿齋城外作

一年四出國門西
今喜春郊散馬蹄
晴日自隨河面動
宿雲仍傍柳梢低
齋宮得句還揮筆
鄉國尋芳憶杖藜
承祀九卿猶假攝
不應巧宦至通閨

篋中得調官時楊氏所寄書慨然追感

笑語無蹤莫更尋每懷平昔恨猶深況看滿幅相思字
曾訴幽閨獨自心因想音容如在目不知涕淚已盈襟
恨銷除是綵牋滅弗比遺香苦易沉

庭前梨桃二花方盛為暴風所吹感事成篇

梨白桃紅纔可嘉風前亂雪趁殘霞提壺有口只喚酒
鳴鳩何心專妬花九陌樂遊非徃昔五陵豪氣漫塵沙
清樽倒盡却興感席上餘春天畔家

一春未嘗行樂而羣花今已離披感而成篇

只知倦馬趁風沙不覺啼鶯破物華始擬尊前謀小酌
早堪枝上數殘花壯圖慘淡流年駛樂事參差暮景斜
薄醉浩歌搔短髮江湖歸興滿天涯

送史正孚

再提試筆入南宮落紙文章近更工一第聲名光晝日
十年意緒散春風眼驚梁苑花枝靜心豁秦川酒盞空
材大莫嫌關賦冗青雲知己有諸公

陪犀牧使進呈揀中御馬

薰風微轉殿南稜玉色天顏粹自疑數馬從容陪晝接
飛龍迤邐備時乘久圖駿足求初得一顧竒毛價遂增
竊笑漫踰梅福願半生玉陛輒三登

二月十二日城西送韓玉汝龍圖馬上作

信馬春風踏軟沙晴郊芳意接京華綠垂波面官橋柳
紅出牆頭御苑花過玉津園莫問年光侵老境且拚日醉送
生涯歸鞭猶恐巖城隔那得行人不念家

後二日趙無愧杜君章垂和前篇復用元韻自和

呈二君

給園勝地隱金沙隨意開筵餞使華社日兼宜數杯酒
春風未動一枝花垂垂禁鼓喧城裏一一歸鞍傍水涯
魚目間投引驪頷夜光雙吐照貧家

一去傳語行人莫回首緜槐陰合定

家還

三月五日病中對雨作

何術可留枝上錦誰人能換鬢邊絲不堪有恨餘春日
更值無聊足病時久判浮名唯念酒肯因閒事輒忘詩

雨頻未拂金明柳空聽蓬萊唱舊辭

漫呈盛任道監簿

甲第衡門憶並開笑談無日不追陪
繞欄共覓花時句
隔壁嘗呼雪夜盃
一別青雲俱蹭蹬
相逢白首重徘徊
炎天臥病還同巷
早晚欣聞步屨來

苦熱

天上扶桑樹合枯
火雲四起抱陽烏
誰能赤脚渡銀漢
直欲跳身藏玉壺
河朔飲盃空
酩酊臨溜汗
雨自沾濡

井深水遠渴心劇百丈無繩轉轆轤

客有貌吾陋容者以詩謝之

野姿瘦骨逼吾真處士毫端合有神正色未嘗移勢位
苦吟自覺遠風塵漸驚老態侵雙鬢猶逐時名繫一身
可是封侯須燕頷恨無勲業上麒麟

用洪景之韻送郭子山

別筵那得易為情別酒連連祇自傾車馬縱遊憐客興
江湖幽適負吾生盤中異味歸南食篋裏新詩記北行

文史藏身榮路在，未應高迹混柴荆。

賀吳樞府詩

吳公尸京踰月
遽拜樞府之命

治聲一月滿，長安直上星。
樞聳具觀空，策危言驚主。
易能施行事，似公難詔辭。
浩蕩留邦國，廟畧縱橫出。
肺肝拜慶親，闡雙白首更。
傳盛事入衣冠。

九日作

九日登臨雙闕邊，
三秋感慨一尊前。
黃花若解憐多病，
白髮應嗟老去年。
憶昨忽叨門下召，
此辰方醉侍中筵。

追歡筋力於今異言臚得新愁入短篇

臘月二十三日羣牧使元內翰魯龍圖同日拜樞
參之命是日立春

洗馬池邊喜氣俱二公同日上雲衢北門學士參台鼎
內閣才臣貳斗樞曉殿春風迎拜舞晚街霽日照傳呼
回頭應笑蹉跎客養拙長甘伴園夫

甲寅仲冬祠馬步宿齋宮乙卯仲春十七日復因
馬祭到此漫成短篇

昔年度木雪僵條今此風和柳自搖人事轉如風不定
年光暗與雪俱消城中佳氣生宮闕塵外清居隔市朝
顧我何能知馬政江村祇合老漁樵

甲寅二月罷戶部勾院移羣牧判官待次數月乙
卯春復自請罷羣牧

誰容豺虎漏讒人又遣花封退食貧漸老可無詩過日
連年唯有悶償春奔波塵土非吾事流浪江湖合此身
且信濁醪存妙理一盃萬慮付洪鉤

席上走筆贈別李子先

醉魄吟魂李謫仙風流未絕驗家傳
詞源直欲傾三峽
飲量真疑漏百川
幾寸燭花催餞席
數程柳絮撲歸鞭
別愁袞袞無由說
吏部先尋甕底眠

送彭景行寺丞侍養得請歸荆南別業

上年慈母懷鄉淚
愁殺啼鶻耳畔飛
歸計任荒揚子宅

劔外先
廬在焉

喜情自入老萊衣
秣陵五馬開樽待

又執梅公
令守金陵

荆渚雙魚薦饌肥
能為聖朝全孝理
賢聲行色兩光輝

孫公素中光將往相臺謁韓魏公詒詩為別因以

酬送

公時新改
京兆節袍

紫宸班退聽宣麻鎮鄴司徒換將牙到日玳筵公定喜

當年珠履客尤嘉

公頃鎮北門
公素實從辟

賦驚閣座爭觀禰樂重

當時合姓車入夏後園聞更好繞池十丈看荷花

依韻和酬孫公素中允寫懷見貽

車馬門前往罕逢春坊內允獨相從領垂素髮驚潘岳

公素以予駭其早白來
詩有霜毛初出之句

器負青雲愛仲容身世百年今

有愧功名萬事近尤慵不緣婚嫁須微祿已拂紅塵就
赤松

九日陪雨制諸公燕趙氏園亭

筋力追歡勝去年不應吹帽愧華顛壯心未折秋風裏
笑口頻聞晚照邊學士帶欺黃菊爛侍臣綬奪紫萸鮮
自憐蹭蹬諸公後一醉猶能賦此筵

送李山甫赴熙州

懶憶肝江釣綠波春風躍馬望洮河平生富貴來雖緩

一日功名得便多
城上隴雲飄
漢角樓頭闌
月慘羌歌
刺裨儒帥開邊策
大有燕然石可磨

予在病告君玉見過翌日成短篇奉招

官居冷落入稀到
病枕歌移日幾回
薄宦淹留無處說
平生懷抱為君開
盤中飮餽延羸飯
甕面澄凝泛好醅
更有無窮欲言事
可能重跨蹇驢來

順師歸湖寺後以詩見招因戲答之

山月溪雲思有餘
嶺猿沙鳥靜相於
閒中物象都收斂

別後詩才愈發舒擬就鄰翁沽竹葉直邀野令走籃輿
提壺漫叫無憑準一醉春風莫誤予

順師有可能沽酒引柴桑之句

紫微舍人宋公愛子姪三人同日得第作詩以紀

盛美

君王親策集英年始信常山子姪賢白晝相將金榜上
紫微三謝玉階前衣冠近事尤為盛闕閱清芬愈可傳
馬躍春風歸里巷蘆花爭看一行鞭

君王賜第御靈和兄弟同時捷雋科名占風雷三級徧

恩霑雨露一門多
衣冠盛事喧金榜
里巷榮歸綴玉珂
他日鳳池須接翼
侍中陰德有餘波

山中雨後

雨足前村雲未回
逡巡屏面數峯開
相呼野鳥逢人住
自戲山蜂趁馬來
野色通明林葉淨
溪聲奔迸岸沙頽
田翁見我應偷笑
底事行吟廢酒盃

寄題雙巖寺

古寺南偏兩翠微
錦溪碣石豈全非
雲煙來去長相接

猿鳥東西各有歸，泉溜夜淙寒入座。
嵐光朝滴潤生衣，而今野曠無人築。
唯見林僧對掩扉。

莆陽徐太守數賜臨顧

軍壘初分太守麾，馬頭南去有光輝。
吏人郊外迎飛蓋，父老溪邊指繡衣。
到日嶺梅含細藥，昔時鄉樹長新圍。
世間得意多遺舊，誰肯柴荆數款扉。

林大年殿省金輪院讀書有寄

仕到監州興漸多，人生四十未蹉跎。
自嫌朱紱生門調。

直要青雲取世科
新喜鴈名傳日十
暫題試筆寄巖阿
山翁只作書生看
不識前呼導玉珂

依韻和吳七丈詠雪

平明無數六花飄
氣象崔嵬變一朝
落勢孤城圍不盡
寒威窮巷著偏饒
臨衣未拂還成舞
近燭纔看早覺消
散稱少陵吟白髮
更逢太白跨鯨腰

江邊玉樹渾無地
世上銀河自有橋
宿凍即交山口路
冷波應減海門潮
當年右席辭空在
今日扁舟興轉遙

寬褐紅爐溫坐外人間萬事任寥寥

園竹為大雪所折

露葉煙稍拂草亭雪中顛倒翠虬形且留完處裁吹律
莫聽傍人議殺青却恐看來愁野客若為扶起屬園丁
寂寥數畝清風地宿酒從今不易醒

輓故司徒侍中贈尚書令韓魏公

建儲嘉祐發先機蓋世功名古亦稀一冠駕行丹地立
兩扶龍德九天飛偃藩汲黯時云臥去國周公遂不歸

星坼中台堯訃入君王淚濕輟朝衣

平生忠節見臨危四紀三朝報主知
伊尹昔歸魯未果
子房強臥竟難支
朝廷首配嚴親饗
園簿新排送葬儀
澤在生民功社稷
堯文更揭墓前碑

西北油幢疊總戎六年幕府從裴公
談兵玉帳知何在
宴客金錢定已空
麟閣英姿隨爽氣
鳳池陳迹想清風
白頭無路酬恩地
一寄哀情薤挽中

馬公節輓辭

慘淡南宮鍛羽翰空歸座席甫能安魂收長夜棺尋閉
淚灑殘春袖未乾君下第還家不數日遂卒老母始甘無祿釜世人
今轉薄儒冠土中猶動難平恨月照孤魂桂影丹

王廣淵郎中輓詩

暮歸紫陌尚鳴珂夜哭逡巡接浩歌暮歸高歌已而大哭漸老為

郎逾蘊藉平生從仕亦蹉跎笙沉緱嶺空乘鶴書絕山
陰欲換鵝日落九原車馬散悲風更向白楊多

祠部集卷十

欽定四庫全書

祠部集卷十一

宋 強至 撰

五言排律

依韻奉和司徒侍中雪二十韻

瑤林紛有蘂玉海浩無津蓋地都藏險漫天不露垠片
輕消鑿落光冷奪純鈞賀笏庭前客懽孟隴上民清輝
交夜月妙曲次陽春兔苑誰傳簡蠶崖自比銀香沈宵

熱麝烟濕畫炊薪履沒平三徑
窓明斷一塵乘時飛更急帶晚
賞逾珍酒合斟瓊液巾宜頂白
綸分形雖各值灑潤要皆均
滲野今豐魏飄遊昔瑞禽疑越
貢雉獸訝晉祥麟巧剡枯株木
偏宜勁節筠寒林圖似展粉筆
埽初勻當愛漆園美寓言姑射
神如公詩具美揣物意尤親久
作依劉客難追訪戴人幕中
麝絕唱席右槐嘉賓不獨調元
手風騷敵孟醇

詰朝雨寒密雪雜下軌成一篇
呈諸匠者幸賜光

和

飄洒初驚曉霏微或舞簷勢應綠雨作威未抵霜嚴水
面瓊銷液山頭玉露尖偏能仁富室只解虐窮閭樵凍
肩增豎魚寒手懶箝助清歸賦筆送冷入歌簾退縮悲
窺免埋藏憤老蟾旋醒疑酒薄密擁喜爐添尚媿倅連
璐纔宜比散鹽飛輕憂絮妬落早欠梅兼真宰恩先漏
豐年兆逆占綾加侍臣被彤下使君檐預促羣萌達前
驚百癘潛尤甚窮臘降多後世情嫌

某近辱諸公先和前篇鄙思未已復自次元韻奉

呈

纔落先明牖無多未壓簷得時雖較淺着物始知嚴報
歲三登速裁花六出尖賀祥開萬物却癘喜千闔腹餒
禽剛喙整僵鱗怕籍地成銀色界門盡水晶簾燕市疑
孟蟻書幃冰硯蟾天形四垂接曙色十分添海訝龍飛
沫盤疑虎刻鹽陰陽驚臘早氣象假風兼嚼爽腸忘渴
吟寒口懶占學輕頻舞袖禦冷盛張膽謝媛資佳詠袁

生苦密潛自緣人意別一愛一憎嫌

長安二月二十二日雪十韻

曉白乾坤靜寒消氣候侵麥滋堆隴疾花沒聚枝深浩
蕩中春尾昭蘇庶景清函關雙粉蝶繡嶺一瑤林鶴冷
驚幽夢鴛愁闕好音拂衣輕點綴落酒旋浮沉門擁藏
高卧總明照獨吟飄時穿箔罅積處值樓陰南客增蕭
索東風助浸淫年來交態淺乘興欲誰尋

送朱元弼主簿登第後還鄉

簿領非吾事儒林物議間談經泮宮水枝籍道家山職
業纔相稱塵勞豈素嫻官期慵屈指親側且承顏楚岸
維齊舫揚州入故關時入榮畫錦洗眼看南還

送度支劉郎中被旨赴闕

赴辟函關道來時犯雪泥今乘匹馬過早見晚鶯啼曉
闕兼程到丹墀數日躋一言知國器三接是雲梯小醜
翻然順靈珠自此稽和我須上策議要合征西

次韻郡寮櫻桃之什

人說櫻桃美誰知味特殊顆勻圓更好色麗賞還須樹
樹紅攢夏年年價滿都畏風應早摘宜日稱晨數血滴
春鷓淚胎含火齊珠透肌勝琥珀爽口剗醍醐怒目晴
全赤粧唇點誤麓愛擊宜翠籠登進合銀盃秀實期先
薦流鶯莫漫圖園林千百品甘處後塵無

彭九廷評改丞衛首垂臨訪未遂馳賀輒成鄙句
少伸愧謝

三年廷尉評別事忽除丞步武通規近生涯薄俸增輸

林終必復雅道已難能不預聞新命那期念舊朋馬鞍
煩遠御爵刺改前稱禮曠徒慙汗情高倍服膺彈冠開
慰喜聳袂羨軒騰馳賀水沉滑賓階愧後登

送評事十九叔入秦

白露沾蘭草王孫轉憶歸蔡州新戰罷郢路去人稀謁
帝不辭遠懷親空有遠孤舟看落葉平楚逐斜暉北闕
見端倪南臺當繡衣惟余播遷客只伴鷓鴣飛

依韻荅公節

長髯踏昏鼓詩卷置予懷屢讀銷蘭炬幽眠廢竹齋雷

陳叨契密李杜魏名借

子美有李杜齊名真亦竊之句

明月驚雙目清

風暢百骸舊游今恐紀新句老逾佳筆力支傾嶽詞源
瀉倒准免官猶博奕賤賦甚優俳夫子心雖壯羣兒口

更排謗譏從爾類事業屬吾儕他日材須用平時照莫
埋相期空有道欲薦反無階足跌那傷驥角爭堪笑蝸

醉鄉逃得喪

凡之新亭榜曰醉鄉

俗調外淫哇縱酒時遺幘逢人

或懶鞋聞乘太湖棹靜繫洞庭涯梅雨開新霽江天斂

宿霾苦吟邀郢客妙唱聽吳娃顧我千憂集陪兄一笑
乖此行情分厚枉道願言諧策馬關城遠深愁日墜崖

北京判府司徒侍中生日三十四韻

仁祖龍飛榜宗工鳳舉春爭先欣得雋直上欲驚人終
賈年方妙軻雄學已醇紆朱光半刺垂白慰偏親器業
期廊廟聲名壑措紳試言俄有旨落筆不無神儒館羣
邦彥王畿位幕賓諫垣尋振翼法座屢撻鱗雨露專圖
報雷霆肯避嗔上心疇侍從大手屬絲綸使蜀星文動

回梁帝眷新點羌初負漢儒將續臨秦就統興師律能
捐受命自苦甘齊士卒寤寐息風塵未幾登培幄猶稽
秉宰鈞旋更諸鎮帥連牧數州民文武才俱屈安榮策
未伸總戎離晉野移疾守漳濱符契真千載謀謨復四
隣鴻樞纔守運英袞遂同寅扶日升黃道朝天冠紫宸
功高嫌赫赫跡退喜恂恂分陝勞姬旦還鄉滯買臣良
籌深制勝苗格偶增旬西顧憂全釋東歸請繼陳俞音
來荅詔喜氣送回輪故國分銅虎離都改玉麟誰知圖

任舊祇見寵章頻茅社重留地桑弧載誕辰喬崧秋降
甫寶歷歲名申馬錫天閒駿衣班內帛珍康強鍾衛武
爵祿茂平津長與三台應兼之五福臻神明知必相壽
合等靈椿

晦之江樓小飲尋詩懷寄謹荅來貺因以奉招

遙知相憶處相憶對秋江涉有波濤濶飛無羽翼雙
居君故里薄宦我他鄉交臂經時失憂心曷日降此稀
人迹到惟聽足音足願命朋遊駕來吟吏隱臆倦談須

擲塵劇欽定空缸論契何如重千鈞不可扛

文相生辰祝壽

盈數號良月應鍾飛律仄當年凝間氣此際毓元台出
契千齡運居為百辟魁智多全德水位峻冠朝槐經世
雄門盛熙邦鉅業開賚商名掩傳平蔡畧輕裴肅物嚴
秋去充閭慶旦來最誰興善頌蒙顧寔微才圭衮榮長
享松筠歲不摧相階常煥耀巖石鎮崔嵬適限糜官句
無緣薦壽盃應天五福外更願寧康哉

次韻元恕苦寒之什

繁雲凝不散，朔吹動無涯。
林禿霜摧葉，河膠凍裂沙。
饑禽啄石髮，彊鼠墮簷牙。
應有四方客，倍懷千里家。
老松堅自若，病竹折相叉。
喜擁重衾麝，愁聞絕塞笳。
謀溫藉狐腋，辟冷泥榴花。
豈待窮冬雪，方為氣象誇。

次韻梅守著作喜守倅冬杪祈雪春初獲應之什

郡境時雖泰，江鄉臘已深。
羣情憂雪晚，精意喜天忱。
夙駕纔分禱，春空倏變陰。
銀成佛氏界，瓊掩帝家林。
始向

風前舞還逢水面沉乾坤方一色埃滓莫相侵薄畏晨
光鏘清宜夜魄臨撒鹽矜巧喻授簡喜知音月窟埋仙
兔霜毛碎獵禽驗深兒植杖聽落女停針扃戶人安卧
乘舟客訪尋長鋪吳地練競貢禹邦琳潤未沾農畝威
先到旅衾馬蹄行見迎鶴髮此羞簪愛潔慵施帚思烹
預捺蒿難收俱碎壁漫想辟寒金飛瀑傾台嶺驚濤過
越潯兆年能作瑞澤物豈無心氣象符神設陰陽順斗
斟護梅偏拂拂欺柳故森森樵塢如迷失漁簑重不禁

積遲唯瀆壑白早是高岑燼飲聊堪禦樓觀恐不任當
今平坎亞免使有崎嶇第止塵心渴誰開凍口吟梅州
才素逸藻思衆嘗欽高唱俄攄發終篇絕麗淫更兼和
密霰並好爽煩襟屬和仍鴻筆珍藏勝楚琛正聲都欲
寫抽曲入瑤琴

某介直窮合為邑亡狀而杜兄一見過愛作詩稱
許謹依來韻奉答

平生懷古哲所趣昔時人餓死不巧宦力行惟庇民風

波方滿眼霄漢欲謀身山水得一縣松筠為四隣分安
籬鷓悅機少海鷗訓道義聞君久襟懷類我淳蓋替何
太速碩益似非新交向篇章定情緣里閑親寄中都絕
介席上競誇珍他日攄長策相攜獻紫宸

送京西運使周度支

公持使臺柄行矣過鄉關自昔捐繻處于今推節還素
雅仁義本將底輸賦聞惠足躋民富威先變吏頑高談
能佐治大筆出誅姦所稟具純德未嘗柔正顏最為時

論重自結主知難忠節久方見詔音行復頒匪朝登相
閣均福浸入寰列郡方馳總征艦已莫攀風霜十月始
鏡鼓一川間驟奪孤生庇瞻言感涕若

郊外感事

田原土盡辟禾黍積如鱗聖主弗橫賦農民猶苦貧未
游滋不紫素敝寢誰因富室豪奪利里胥蠶食人為生
常汲汲乃粒罕陳陳况在水旱地更遭科歛頻其將委
溝壑何以給昏晨去弊與務本無非縣令親

上知府張少卿

邦君今刺史光祿古名卿况是三台後仍兼二事榮才
猷希世出議論一時傾丈馭長千丈詩鋒銳五兵量形
滄海挾氣與素秋橫官路紫朱競公心綬冕輕金華推
羨郡銅虎愜專城半歲開尊府休風變細毗堂陰空畫
訟桑野勸春耕每布詔條暇間攜賓從行江山尋勝地
笳鼓擁游旌好景樽前挹新篇席次成雙溪茲壯觀八
咏昔虛聲治狀稱尤異宸衷眷直清勢應非久次代豈

俟終更卓馬朝將近
元龜德素明豐功增閱舊物取
鈞衡屬吏誰堪卹孤踪此最平
下科踰十稔薄况甚三生
尚壯羞乾沒雖駕願使令
斯辰如賁飾吾道定蒙亨
輒取鹽車吭聊逢伯樂鳴

謝知府少卿

某為邑歲餘材術短疏知府少卿特形清舉事
出望外謹成五言十二韻詩一章上謝萬一

賤僚尸屬邑踰歲事雄藩自視無尤異何階計薦論公

為千騎長官復九卿尊陞絀懸諸手禁枯繫片言俄收
一介技俾出大賢門銳意推臣轂刺章飛帝閭先容掄
散木後澤決孤根立發韓灰燼坐生鄒谷墮泥塗漸霄
漢瓦礫變璣璫倍喜非初望難酬是厚恩敢忘知己賜
况有寸心存稱謝堦墀阻形留意欲奔

上知府少卿

近代東南守何人與古同唯公臨婺女變俗似文翁流
化陶編戶延儒萃泮宮棲糧農畝溢鞠草訟囹空風月

歌詩健江山氣象雄雙溪今改觀八詠昔非工文酒高
權外園林勝賞中妙年登白首素節有清風嘉會千齡
合皇天五福融晚躋輕位棘行覲帝宸楓卓馬趨嚴詔
元龜簡上聰謀猷一朝啓利澤萬區通諸邑誰無狀孤
生性最蒙簡書循吏檢牒訴盡愚衷銳意鋤姦蠹推心
活困窮不能防衆口止解潔微窮方托雲垂蔭俄觀歲
改筭氣寒期念黍聲在或知桐昔值民留寇始聞書薦
雄生成單賤跡今日願因公

上運使工部

天地慳英氣人皆所得偏公乎何卓越性乃獨純全精
學窺神奧遺經討聖淵辭宗師者衆詩將敵無前風雅
一篇出邦都萬紙傳斯文知未墜大筆舊將顛早聽諸
公論仍推執事賢松筠貞節勁金石亮誠堅鄉受嚴宸
寄嘗持外計權才良魚遇水姦墨雀逢鷗黜陟司當爾
澄清古亦然裁讖成貝錦亂曲惡朱絃未幾恩函改俄
聞使旆遷彭門勞鎮撫漢詔許周旋鈴閣畫開卷熊轡

春行田坐棠稀訟牒恭梓接鄉屢治狀頻稱最獲章訝
未甄淮州繁轉給漕柄議登延旒宸知名舊朝廷付命
專溫書頒綠檢要職復青氈歲赤膏腴地河膠金穀船
尚緊心計敏能免國需愆既足中都食兼充內帑錢輸
將今底績留滯矧經年不俟更書滿行聆迅召宣帝猷
歸潤色天下佇陶埏賤士何為者孤蹤最瑣焉技踈謀
龐鼠聲泯類寒蟬七載沾微命三霜脩冗員謹廉徒自
信朴訥復誰憐材散良工棄筋鴛善御捐泥塗寧避辱

溝壑尚憂填援手惟公易為容更孰先願由門下進畢
力勅塵涓

上運使工部

綱紀提諸郡朝廷重外臺舉今持使柄第一議公才心
計籠寰宇時名薄斗魁邦家經費足山海利源開待哺
充兵口圖豐積帑才鄙侯慙首漢唐室魏稱裴幹濟謀
無敵澄清志不回諂言迎刃破姦膽望風摧羨課連優
異繁司久剴裁由來藏器業所趨在公台豈似更書滿

當聞迅詔催帝前推惠澤天下活枯荻賤子今州縣孤
蹤始草萊十年叅紱冕再命尚塵埃馭吏猶防盜憐民
甚撫孩官箴誠自勗士轂復誰推近幸窮山側親瞻大
旆來霽威寬跼躄賜坐許徘徊短效時今獻微躬或見
哀光華生裸壤飛燄發寒灰古亦伸知己愚寧媿自媒
鑄顏惟此爾捨魯更何哉巨野容頑鑛良工取散材願
由恩館出畢力策駑駘

上致政蔣侍郎二十六韻

憶昔初登第公時再鎮杭諸生盡賓禮賤子正親喪顧
在齊哀下難瞻祭戟傍無依繞樹鵲欲進觸藩羊豈調

二千石容趨數仞墻襟懷一虛接位貌兩俱忘復坐蒙

巖誨

公嘗教至以
忠孝之大節

窮居庇末光寒蹤深退省感遇劇中

藏俄解武林印復懷吳郡章重經所憩杜俯近必恭桑

毗林舊

隱在馬

政續前遺愛州存舊大綱風騷捐韋白術業駕

龔黃衆有台衡議朝推治狀良棟材掄杞梓廟器薦圭

璋車馬還非遠

公甫爾代還劇
有退休之請

冥鴻趨莫量儻來輕弁

冕思去做滄浪俞詔優賢降安車就第康鴻樞辭密輔
碧落應文昌世外風波息齋中日月長靜憐詩酒地回笑
利名場愚也生無似公乎惠未償昨官從一掾去德越
三霜逝聽褫華級末由稱賀儂旅巢今甚適思館密相
望傾仰心搖旆兢懃背負芒功成何以祝五福具無疆

寄獻王中丞

近侍才俱傑明公望獨尊紀綱新獻府德業舊王門禮
樂陪朱邨文章落紫垣訓辭含鼓動氣槩獨飛騫獻直

詞臣筆堅求牧守藩圖書遷禁閣封部領家園曉日旌
旗疊秋風鼓吹喧萬人瞻駟馬千騎簇雙韃今肅關河
靜仁深草木蕃先皇側席百姓互攀援到闕何心緒
遺弓已淚痕東廂延進對數刻慰煩冤一作逢入廟三
朝見聖孫風雲歸夙契社稷入危言罄竭丹誠露從容
玉色溫殿中繫執法陛下肇披元爰立宮寮近由來國
史存台星看比比淮水正源源白簡扞彈後洪鈞宰制
繁盛期開旦暮偉烈照乾坤下客真踈鄙參戎謬薦論

金史卷之六十一
卷十一
去年趨大幕累月奉清樽
召旨催乘傳驚情劇總軒
此生猶斷梗在處是孤根
豈自勇難致云誰手未援
空彈愁坐劒感慕主人恩

送陳郎泗州得替

歷選臨淮守多聞政術偏
若柔非似水即是急如弦
下吏或弄法屬僚時竊權
邀權沸鐘鼓市譽飾危籟
遵此弊歲月久何人才業
全我公來作郡衆口悉稱
賢寬猛履中道勤勞經比
年憲章難爾枉公素精法令
綱紀自吾專間

喜文字飲懶開歌舞筵迎賓常倒屣

公喜賓客
開無留拘

酌水每

留錢

公潔廉之聲
尤重時論

無媿古循例豈同今備員頗陞功狀

最宜侍寵章甄上意深嘉乃高懷遽撤然琳宮願監董

公始抗章
監靈仙觀

鈴閣厭拘牽帝惜惟良去公逾所請監俄聞

拜俞詔

章再上乃
許解郡

得往閱陳編

公嘗語某曰吾求去郡
無他欲得閒局閱圖史

耳未可謀真隱行當被峻遷散材蒙剪拂殊遇絕黃緣
有立期他日無望報二天聊將感知淚灑送北歸船

七言排律

送王夕拜移帥慶陽

一月天書兩紫泥，朝持使節暮征西。

公適自京北府領
都漕又改帥慶陽

一月之間凡
兩拜新命

關中父老攀旗尾，關外偏裨望馬蹄。行色

欲侵邊雪散，威聲先壓塞雲低。情勤佳客雙延辟。

公辟
劉李

二君欲
置幕下

令肅疆兵倍訓齊，城堡此時歸鎮靜。朝廷自昔

重拈攜坐收勲業，光彝鼎入拜恩私。龍介圭文武兼才

緣已試，父兄前烈不難躋。却慙主帥經三易，幕府徘徊

守故棲。

送趙龍圖赴成都

禁中延閣龍圖貴天下名藩益部雄紫詔一開雙雁澤

錦城重入五春風

公自御史使蜀
今出守凡五年矣

吏民望拜行塵外

父老喧迎喜氣中猶指繡衣前蜀使宛然綠髮少文翁
獨當明主新才選應記先朝舊諫工蘇息兩川遺惠在
撫柔千里宿心同旌旗每順遊人出樽俎寧容座客空
却恐江花尋未徧已除刺史作三公

送張龍圖赴益州

天子首除全蜀尹

今上初即位
公首拜此命

近班親問治才長輔臣

皆曰明公可出守當今遠俗康擁節兩川曾不擾

剖符千里定為良圖書溢目延丹禁印綬垂腰制一方

紫誥忽來雙雨露錦城重去五星霜望塵騎走兒童竹

夾道壺傾父老漿坐嘯樓臺萬山壁行春車馬百花香

西南每往臨藩屏前後多歸入廟堂那比小侯論歲月

即陪元宰燮陰陽無勞青史誇京兆今代成都有趙張

公賈
代趙

僊姑馬上回見野塘荷花盛開感成短篇

波面參差萬萼紅直憂絳蠟日邊融却應絕艷無仙骨
何事清香屬釣童綠艾間成新樣錦畫船撐動亂霞叢
便能移植金堤畔早恨曾淹濁水中一等生成勞化匠
獨教榮落對薰風逢時得地俱難偶古來賢才與爾同

送孫公素機宜書記赴太原劉龍圖之辟

夕樓清嘯却妖氛越石并州晉史云威望裔孫行破敵
美名才子去從軍關榆礙馬陰初合塞草迎人綠自薰

幕下清吟消日月樽前壯畧起風雲尋常喜論兵民策

尺寸羞銘將吏勲碩歲金門同獻賦

公素實刻公同年進士

平時

玉帳暫論文早傳尺素頻來魏莫待飛鴻晚過汾誰問

何官一書記十年閩制自當分

事見杜甫送高適詩

送知府余少卿

朝野清風五十年更留政績與民傳全家只飲東陽水

自古無如太守賢手把耕犁農業勸足投庠校士風遷

弗容惠愛終三載倍使罷窮戀二天來暮井閭存昔訟

去思亭觀有新篇傾城幼艾方遮道盡日旌麾不得前
塵土想趨層闕下夢魂猶憶兩溪邊吾君正欲登耆哲
未放收身到地仙

送記注楊學士被詔赴闕

學士聲先壓並游詞源浩蕩浸崑丘九重紫殿三題就
萬里青雲數刻收天子臨軒名第二春官奏卷等俱優
翰林試筆尋揮寫冊府謫文倏校讎京邑紛華非所好
鄉邦偃宴得其求始看別酒傾同舍早聽讙謠載兩州

嚴詔飛來批鳳尾近班歸去立螭頭一年父老漫留寇
四世公台將至虜即日金鑿開步武往時駟馬減風流
蹉跎舊掇瞻行色漸老從軍祇自羞

孫曼叔待制安撫至陝西先以詩寄

不同四客老商山朝出東宮暮近班彭翼豈容時暫息
龍鱗祇自歲餘攀身猶侍從先康濟心與生靈共歎艱
邦國尚聞愆雨澤朝廷西顧動天顏鴻虛禁閣違登降
觸熱輶車事往還赤地相望千里外清風一洒百塵間

誰知奉使今持節比見從戎昨過關
漫學彈冠貢公喜
鬢毛蕭颯欲投閒

送張如瑩

栢城親見五雲飛歸奏嚴城待玉墀
重待三長專筆削
新遷八座總綱維却緣闕輔初通屬
便向齋壇去把麾
暫使文星歷東井方資遠畧控西陲
乖言今覺詎諧驗
清獻但容龜鶴隨
李丞相以尚書議論剛正常戲呼為張乖崖今復鎮復不攜家故併及之
巫峽風高送帆席錦江春動照旌旗
臨川畧應添刀夢

宣室行間盛德詩看取鋒車即西去巖廊正欲聚高靈
依韻和志國首夏霖雨之作

平溪漲雨欲過人后土浮泥苦寄身但得薰風如舜世
未應大水似堯民淵魚弄沫知生樂林鳥啼饑與死濱
急浪橫流成浩蕩陰雲狂態轉紛綸五觴自好消長日
草樹猶疑泣晚春杖策北園尋傲吏葛衣飄洒任吾真
送運使李工部自陝西移益部十韻

近取河湟議出師公才正合濟今時朝廷好問平戎策

郡縣無勞諭蜀辭蕭相餽餉堪仰給馬卿建節忽西之
未容歲課闕中奏即聽風聲劍外馳壘雪欲飛行路片
江花應發到官枝桑麻蔽野居民富錦繡連甍雅俗熙
萬井謳歌饒樂事百城才賦省文移就更使部雖云俗
入用王朝固未遲綠髮貴名由衆論青雲舊物是台司
東歸馬首須迎駕為感新來國士知

韓魏公生日

治身時位俱云得同體君臣繫所遭仁廟自從延輔弼

聖孫相繼委鈞陶早辭十載調元鼎尚擁平年出帥旌
白首未當安富貴丹心愈更事勤勞曾無半語矜功大
猶有流言忌德高皎皎忠誠通日月悠悠險計息波濤
由來正直陰須相此去勲名勢轉窄伊昔初秋降申甫
于今外牧滯蕭曹恩頒天廡雙龍種賜及家庭一鳳毛
再拜捧觴何所祝願公三熟見蟠桃

新秋再宿滋涼北閭氣生才應世稀綠髮文章驚紫殿
青雲事業照黃扉力陳社稷安危計首幹乾坤造化機

二相鴻圖三聖倚兩扶龍德九天飛勲名屈指中階少
富貴抽身北道歸翁子鄉邦纔得請鄴王臺觀已增輝
擁旌欲去觀民政仗鉞俄來統將威信令指揮千帳帖
仁恩涵養百城肥西方幾月留旌節南面終朝待袞衣
入幕最容孤跡早捧觴尤抱寸心微初逢誕日稱公壽
長願台星輔帝暉考近汾陽功更似德攀衛武道猶非
洪鑪物品常無滯翹館羣英永有依拜賜韋賢車服盛
元城傳詔到庭闈

玉勒雙牽名騾裏錦章輕疊瑞麒麟三朝丞相迎恩賜
萬歲君王寵謨辰將命綵衣宣漢禮拜嘉香案望堯仁
太平致去今無跡造化禪來昔有神社稷一言嘗定策
色辭九鼎但垂紳乾坤不負謀謨力日月難磨富貴身
封國連紆六金印鄉邦阻駕兩朱輪行追前訓還英袞
再領羣生入大鈞聊借壽樽傾北海久叨賓館祝平津
却應從此天文裏遂指台星作老人

王尚書生辰

滿時天氣凝良月近晦星精降慶閣弱冠文章驚殿幄
青春富貴絕朝裾安危倚注心逾壯中外翺翔髮未疎
禁職縈兼三學士選朝尊冠六尚書別都宮闕留魚鑰
全魏關河入隼旗輔相合逢先帝久君王今用舊臣初
日邊紫詔來朝暮天下蒼生待慘舒身與太平功業老
康強衛武百年餘

謝陳伯成學士

蓬萊仙人人才偉英三世實以文章稱持盃玉虹汲澗壑

奮筆金虎號丘陵開懷未嘗有表暴出語矧復無驕矜
超然古人者是否幾濁時俗論愛憎識君始者兩俱少
獨我今也百不能半載沉疴類鶴瘦終朝癡卧如凍蠅
醫工診臂卽司命樂債攪心逾惡朋煩君終日一問訊
使我多感常填膺感而有贈不須怪近來交態猶春冰

兩浙轉運使呂少卿輓辭

卿月無光沒使星屬封涕淚逐霜零故綈舊服從身殮
素節清風到目暝澄汰濁流師孟博誅求橫賦罪延齡

塵埃尚父當年玉寂寞韋賢奕世經千里九秋傷旅櫬
一門三相起家庭誰提大筆書功行為激貧夫作羨銘

祠部集卷十一

欽定四庫全書

詞部集卷十二

宋 強至 撰

五言絕句

暮春伯憲留飲席上走筆戲成

春從花際來却向天邊去
鶯蝶空徘徊尋春下知去
春去無多日勤來把酒卮
殘花聊點綴猶勝對空枝

次韻和純甫游寶掌遇雨

游騎來逢雨寧全是折磨

純甫有天磨之句

山神應洗路恐惹

俗塵多

穴泉

冷冷西穴間終日滴甘乳道傍渴者多切莫飲豺虎

龜峯

一峯如龜橫得自禪翁說衆山迤邐來宛然此前列

有待

來時蕉捲畫坐久竹枝陰有待無消息南窓睡興深

七言絕句

立春

待得春來解病顏
東風猶細北風頑
未全青帝行新令
臘去元須浹日間

菜絲生葉落雕盤
欲去春衣怯曉寒
惟有多情雙彩鷲
不須風暖舞幺端

楊公濟以詩索粉紙依韻和荅

春雲落紙不歸天
就把霜刀翦四邊
欲送草堂還縮手

少陵慣見浣花牋

二月二十六日偶書

舊年把酒對花頻
酒氣花香日傍人
今歲酒疎花未見
惟將感淚濕青春

三月十日作

一病十日不出門
坐銷芳意踈清樽
今朝騎馬探花去
枝上十空無一存

暮春悔日

綠陰輕處記春蹤
芳草難殘飲興濃
明日清和天更好
不須愁聽曉樓鐘

觀林夫詩編信筆

唐子能詩世一家
不矜纖巧翦天葩
直闕六義追風雅
世上騷人謾葦麻

書香山寺壁

精藍孤絕亂雲間
雲外疑無路可還
顧我塵喧非白傅
緣何今日到香山

張升甫惠新筍走筆代簡謝之

粉籜迎霜嫩更勻中厨未有許嘗新
明朝便好供佳客

只恨杯羹欠紫蓴

翌月當
任升甫

升甫旋和答復走筆酬之

嫩葍斑斑玳點勻
圓膚細細玉條新
渭川美實容先食
却向秋風懶憶蓴

公度惠花走筆戲謝

二月都城未見花
不知春色落誰家
滿盤折惠情何重

畧嗅生香思已嘉

送王審言供奉

飛花幾點送春餘
執手春風意慘如
一見相歡露肝膽
莫因別後却情踈

送石師正

馬蹄南出都門路
行客少年春色暮
花片空隨別璣飛
柳條難繫征鞍住

禽鳳二絕

繫搏微禽拙自防
網羅須觸是尋常
不知利觜鷹揚處
却漫喧啾怨鳳凰

鳳凰只是瑞時鳴
邂逅十年或一聲
不比喧啾爭巧舌
微禽何苦蓄疑情

次韻酬禮之見贈

為吏淮壖歲歛周
不如當日傲公侯
君今亦欲折腰去
遇好雲山且勝游

次韻游山雨中

飛飛烟雨惱春游幾許餘花水上流
獨有佳人折殘艷
歸來滿挿鳳釵頭

寄縣學方晦之

素志青雲已貼然風霜苦處涉層巔
不如未第方夫子
獨抱遺經議聖賢

戲書保安院壁

僧言此寺從唐建冠蓋無人一到來
還似長官居僻邑
不逢使者枉行臺

辛卯七夕悼往

憶共佳人曝繡衣餘香如昨舊歡非鵲橋雖別年年在
猶勝嬌魂去不歸

開馬公節裴光世別頭入試偶成

憶昔丁年力戰文旁吞強敵若無人鄉書果在諸生上
二子今誰躡後塵

偶書淨信院壁

繫舟曾訪遠公廬游屐重來一紀餘惟有湖山如往日

懶將前事問禽魚

松江別吳伯強

底處與君長笑歌
夜舟醉漾松江波
君帆今夕不我住
其奈一江風月何

盧申之以惠山泉二斗為贈因憶南仲周友

舊年拂石坐松陰
曾與周郎共訪尋
淪落人間少知味
一逢瓶榼便傷心

文園病渴酒難澆
望見南泉意已消
買得茶來無餽煮

只將清冷送葷瓢

奉和堯夫

固窮終不悔沉淪
滿腹深藏上古珍
手寫新詩成幾卷
亦教餘事照千春

過伯樂廟

廟下孤墳償是非
壞簷瓦柱若憑依
門前過馬空驂首
那得當年一顧歸

開元寺仁王院見叢竹偶書

一別琅玕數畝陰
七年飛夢繞家林
北僧好事猶能種
偶向塵埃洒寸心

太陽嶺

高侵寥廓勢盤紆
倦足登時每一吁
方寸人心猶有險
况教廣地盡平塗

苦旱

壠上痿人卧
搗苗頻年郡國訴
諸朝雨師不為蒼生起
只縱晴虹作旱妖

赤地關中帶幾州，濁涇清渭揔如溝。
野農不省天時晚，猶禱間神望有秋。

承乏幕府晨出馬上書

五載青衫走兩都，始作開封掾
今為縣元城北門官緒更區區。
馬鞍

出帶殘更夢，却是雙飛鄴縣鳧。

朱郎中以梅花衣香分惠，諸君皆有詩謝，依韻和之。

百和慇懃出省郎，清真似有雪中香。
風流不在金爐煖

自轉餘薰到錦囊

望思臺

一朝木偶發深宮
父子恩隳暗曖中
不見戾園埋恨處
至今草木有悲風

溫泉

壯觀悲涼舊迹存
蓮花泉暖至今溫
行人莫罪無情水
一笑華清是禍源

依韻和溫泉

上公分陝半年餘
馮馬東還不待驅
肯獨澡身湯室裏
行推潤澤泲民膚

尅參軍九日惠詩以左馮翊趙監所遺玉液一壺
并詩答之

久傍嚴公趨玉帳
近蒙賀監解金龜
一壺分助登高飲
客宦長安共此時

九月十日龍興寺飲餞蹇碯翁赴梁門酒半題名
南軒因偶書屋壁

昨日曾來把酒卮，隔宵已過菊花期。回頭一笑成陳迹。

不獨秋香有盛衰。

九月與府中諸君會此

又自和

萬事人間若漏卮，喜情常滿固難期。却將昨日樽前菊，零落金鈿已覺衰。

好把悲歡付一卮，明朝北客有行期。勸君莫聽驪駒曲，只恐催人兩鬢衰。

寇參軍以孤鴈一絕見貽，因酬之。

紫塞來時偶失羣，追飛已隔萬重雲。
人情所喜惟朋附，耳聽孤鳴似不聞。

依韻和栽花二闋

前後殷勤選象芳，名園移植總成行。
要須花笑春風裏，次第迎公入醉鄉。

移花新了詔書來，似負迎春著意栽。
桃李我公天下滿，不須偏待此中開。

宋周士以新葺為惠并示佳句依韻和荅

食葦由來勝茹芝十年此味望晴霓
雕盤細簇春雲朵
惠我殷勤助殺鷄

醉中劉道叔尹嗣復李子先垂和予乙巳歲開元
寺仁王院詠竹二十八字復依元韻走筆答之

憶弄吟毫倚翠陰也應新筍更成林
感君瀟灑賡詩句
不負凌虛一寸心

韓及甫惠陝梨走筆書句謝之

霜後瓊漿味轉饒
關山封寄路迢迢
分甘珍重知君意

應為相如正病消

李景初許借翦綵花數軸一觀累日不至藏成二

絕督之

壺蜂蚨蝶日徘徊只欠生香去復來應是春風隨玉指
剪刀行處一花開

剪綵茸茸細逼真秋風堂上數枝春為偷造化防天覺
却擬深藏不借人

病中雪夜聞韓六秘校會諸君

玉色乾坤無一痕暮寒慘慘入千門自憐司馬方消渴
不得摘詞醉兔園

別都觀閣玉欄干尤稱寒蕙把酒看唯有三冬多病客
擁衾時聽夜聲乾

庚戌仲春十二夜同無愧飲林夫西窻有感

憶聽西窻一曲歌金杯未盡轉橫波酒徒依舊歌聲斷
今夜西窻奈我何

走筆依韻和酬王彥霖

幾度春風信陸沉曾題醉筆寫花陰詩情不復隨風亂
今日花前對展禽

感舊情懷日日深三春能幾半晴陰醉題難盡當時意
帝徹春風羨暮禽

夫子人間第一流清言暫隔已離愁今朝偶負尋春約
詩思勾牽未肯休

不住年光袞袞流鶯花漸老使人愁鶯猶可聽花猶在
再卜他時一醉休

和司徒侍中同賞梨花

映花急把玉交杯
風掃殘香已幾堆
酷愛豈惟公假借
慣曾御苑見花來

聞無愧夜會二三君子戲呈二十八字

燭邊醉臉凝融酥
盞畔歌喉欲貫珠
應念東家多病叟
靜披寬褐擁紅爐

坐客宋周士忽垂光
和復用元韻荅之

魏臺營妓勝添酥
一笑堪酬百琲珠
只恐更深雲雨散

明朝共是守寒爐

風流雙腕轉凝酥
舞徹伊州汗有珠
揆手始知簾外冷

照堂獸炭焰圍爐

誰云燕趙敵瓊酥
何似君家一綠珠
酒罷早歸香閣睡
也應蘭麝早添爐

謝和詩

窻外家僮遽疾呼
開門滿幅把明珠
驚回一覺無聊事
猶有寒燈守藥爐

上詩惠酒有謝

登高無具結，懼悚狂寫愁。
吟叩主翁速，荷兵厨均美釀。
却將醕酌謝西風。

暮角

畫角愔愔清且哀，古今晚色此中催。
可堪絕塞風霜苦，還傍將軍玉帳來。

和司徒侍中舟中再賦一闕

燕子迎船貼岸飛，波光流色日暉暉。
都人倍戀行春樂。

金定四
卷十二
只恐恩容畫錦歸

河亭戲題

黃沙袞袞激洪流
白舫人羣雜馬牛
却憶春風湖上月
畫船載酒鑑中游

馬上見庭竹

玉圓碧瘦與誰期
只待丹山綵鳳饑
生傍短牆真失所
可憐直節衆人窺

席上戲成

玉溪一別十年餘
北綰銅章西辟書
寄語湖山好相待
蒼顏歸日駭禽魚

勾院偶書

一坐閒窓百慮清
門前寵利自營營
官書既少人誼息
唯有巖風戛竹聲

謝元功惠茶

長卿病肺渴欲死
宰予寢興晝復濃
綠雲杯面呷未盡
已覺清液生心胸

謹和荅惠茶之什

綠雲浮面味回長
每飲疑蒸盛德香
不獨蠲煩優下吏
更容歸遺細君嘗

九日有感

時屬疾
頗久

每歲登高盡醉歸
未曾輕負菊花期
今年枕上酬佳節
感淚雙痕落似絲

憶昨方陪上相筵
召書忽到菊杯前
主人舉酒勤令飲

一醉秋風恰二年

壬子歲丞相登高筵上子被堂劉召
赴闕公勤勤飲云自此不比幕府一

得縱
飲矣

甲寅立春夜雪

迎得新年送臘回一朝生意動寒芳
玉塵後夜籠金闕
元是春風帶雪來

謝春播

曉策羸驂趁謝恩君王昨夜賜春播
塗金翦綵雖云異
競戴還同拜禁門

張文通以詩覓小桃走筆依韻和答

名園間說洛陽春金谷前無石季倫第一牡丹應慣見
憐君翻作覓花人

文通復用舊韻相示仍走筆和之

花前直判醉酬春飲量慙非劉伯倫折去也應顏色在
不知誰是戴花人

牧養監閱馬

骨瘦誰知驥騮名駑羣平視圉夫輕夷塗好在重驥首
喜見今年春草生

陳伯成學士垂訪以病中新浴不克見走書二短篇謝之

時情逐勢餌邊魚貧病由來俗易踈何事太丘直有道
炎天問病到貧居

病膚新浴覺神還散髮支頤一室間豈敢不冠延重客
空將感抱寄慙顏

別戶部勾院竹

一來省戶兩春暉今日飄然襍被歸直節貞心惟我愛

此君相別似依依

泛湖有作

不比危湍急瀨船
平湖慢漿恰相便
蓬飄萍泛真吾事
舞袖歌鬟付少年

贈芝公長老

我愛師開方便門
聞人有疾足先奔
何須端坐禪床上
始是如來不動尊

閻卿遽然云別因書二十八言奉送

禪翁為我出巖扉坐席纔溫便拂衣又道孤雲無定所
如何却傍舊山歸

閔卿遽垂和荅復依元韻戲之

師怨白雲相望久

師有白雲表
早歸之句

樾然便欲攬征衣其如

飛雪能留客不放禪翁及早歸

師有飛雪
滿衣之句

詩餘

漁家傲

桂影

雪月照梅溪畔路幽姿背立無言語冷浸瘦枝清淺處

香暗度妝成處士橫斜句
渾似玉人常淡貯菱花相
對盈清楚誰解小圖先畫取
天欲曙恐隨月色雲間去

